

Grunnskóli Hornafjarðar



Fréttabréf 6. tbl. 13. árg. 1. September 2022

Ábyrgðarmaður: Kristín G Gestsdóttir

Í upphafi skólaárs

Hér kemur fyrsta fréttabréfið þar sem farið er yfir nokkra punkta sem mikilvægt er að rifja upp á hverju ári.

Þegar þessi orð eru skrifuð eru 242 nemendur skráðir í skólann. Starfsmenn komu sprækir úr sumarfrí og reiðubúnir í spennandi og skemmtilegt skólastarf í vetur. Ýmsar breytingar hafa orðið á starfsmannahópnum, nýir starfsmenn eru komnir inn til okkar og tilhliðranir eru einnig innan húsanna. Skólastjóri er Kristín G Gestsdóttir, aðstoðarskólastjóri á yngra sviði er nú Rósa Áslaug Valdimarsdóttir og aðstoðarskólastjóri á eldra sviði er Þórdís Þórsdóttir en hún leysir Eygló Illugadóttur af meðan hún er í námsleyfi.



Kynningarfundir og skólafærninámskeið


Kynningafundir vetrarins verða í hverjum árgangi líkt og áður en nú með breyttu sniði. Það sem við erum að stefna að er að fá fleiri forráðmenn til að mæta. Fátt er mikilvægara hverju barni en þátttaka forráðamanna í skólastarfinu. Hver árgangur verður með sínar kynningar og nánari dagskrá verður auglýst í hverjum bekk fyrir sig.

Skólareglur Grunnskóla Hornafjarðar

Í upphafi hvers skólaárs ber skólanum skylda til að kynna skólareglur fyrir foreldrum. Í skólareglum skal m.a. kveðið á um almenna umgengni, samskipti, stundvísi, ástundun náms og heilbrigðar lífsvenjur. Þar skuli einnig koma fram hvernig brugðist sé við brotum á skólareglum. Hér á eftir kemur úrdráttur úr skólareglunum. Þær eru í fullri lengd bæði í starfsáætlun (handbók) og á heimasíðu skólans.

Almennar reglur

Almennar reglur snúast um dagleg samskipti og byggja á almennum siðareglum. Að temja sér að fara eftir þessum reglum er hluti af því að þroskast og fullorðnast og verða ábyrgur þegn í



Lýðræðis-samfélagi. Því er eðlilegt að yngri börn þurfi meiri aðstoð við að temja sér þær en þau sem eldri eru. Almennum reglum er fylgt þegar:

- Við sinnum hlutverki okkar
- Við komum fram af kurteisi og sýnum tillitssemi
- Við berum ábyrgð á eigum okkar
- Við berum ábyrgð á gerðum okkar
- Við látum aðra í friði.

Öryggisreglur

Öryggisreglur snúast um að tryggja líkamlegt og andlegt öryggi allra í skólanum. Séu þær brotnar er undantekningarlaust gripið til viðurlaga í samræmi við aldur og þroska viðkomandi barns. Öryggisreglur eru brotnar þegar öryggi er ógnað með ögrandi framkomu t.a.m. með:

- andlegum eða líkamlegum meiðingum
- alvarlegum ögrunum eða hótunum
- notkun á tóbaki, áfengi eða öðrum vímuefnum
- vopnum eða ígildi þeirra
- þjófnaði
- skemmdarverkum
- áhættuhegðun.

Ef nemandi brýtur skólareglurnar er unnið eftir ákveðnu ferli sem nánar er útlistað í starfsáætlun (handbók) skólans sem og á heimasíðu hans.

Punktakerfi

Notast er við punktakerfi í 7. – 10. bekk skólans til auðvelda kennurum, nemendum og foreldrum að halda utan um mætingar og ástundun hjá nemendum. Skólasókn þeirra birtist á vitnisburðarblaði. Haldið er utan um punktakerfið á www.mentor.is. Þar merkja kennarar við mætingar, skil á heimavinnu og fleiri þætti geta foreldra og nemendur ásamt kennurum fylgst með stöðu mála. Hægt er að nálgast frekari upplýsingar um punktakerfið á heimasíðu skólans og í starfsáætlun.

Skólasóknarkerfi – Við minnum sérstaklega á skólasóknarkerfi sem tekið var upp 2018 til að halda betur utan um mætingar nemenda. Frekari upplýsingar um það er að finna á heimasíðu skólans <http://gs.hornafjordur.is/foreldrar/skolasoknarkerfi/> en það felst í meiri eftirfylgni með fjarvistum nemenda hvort sem það er vegna veikinda eða leyfa. Miklar fjarvistir geta haft alvarleg áhrif á nemendur bæði námslega og félagslega. Því senda ritarar foreldrum einu sinni í mánuði yfirlit yfir mætingu nemanda og í framhaldinu eru umsjónarkennarar í sambandi við foreldra ef fjarvistir gætu farið að vera áhyggjuefni.

Uppeldi til ábyrgðar

Skólareglur Grunnskóla Hornafjarðar litast af áherslum í *uppeldi til ábyrgðar* en það er sú uppeldis- og samskiptastefna sem lögð er til grundvallar í skólasterfinu. *Uppeldi til ábyrgðar* byggir meðal annars á þeirri grundvallarhugsun að orsök vanlíðunar og slæmrar hegðunar eigi sér stað vegna þess að einstaklingurinn nái ekki að uppfylla grunnþarfir sínar á jákvæðan hátt. Aðferðir *uppeldis til ábyrgðar* byggja á því að einstaklingar læri að þekkja þessar grunnþarfir sínar og finni leið til að uppfylla þær á jákvæðan hátt í sátt við aðra í umhverfi sínu um leið og þeir taki ábyrgð á eigin hegðun.



Kjörorð skólans vísa síðan til hvernar þarfar fyrir sig og þannig tengjast kjörorð skólans og uppeldisstefnan órjúfanlegum böndum.

Vinna gegn einelti

Undanfarin ár hefur verið lögð mikil áhersla á að vinna gegn einelti í skólanum og mun sú vinna vissulega halda áfram í vetur því eitt eineltismál er einu máli of mikið. Foreldrar og forráðamenn en líka nemendur eru beðnir um að gera viðvart ef þeir telja að barn verði fyrir áreiti eða einelti því það er betra að fá of margar ábendingar en of fáar. Einelti byrjar oft sem samskiptavandi og það er best að vinna gegn eineltinu ef hægt er að grípa inn í strax á þeim tímapunkti. En það er samt aldrei of seint að vinna með samskiptavanda eða einelti því hann er fyrst og fremst manna verk og þeim er hægt að breyta.

Á þessari vefslóð <http://gs.hornafjordur.is/nemendur/eineltisaaetlun/> má nálgast eineltisáætlun skólans og þar sést hvernig unnið er með eineltismál sem upp koma.

Göngum í og úr skólanum – og verum umhverfisvæn í leiðinni

Eins og ávallt áður er Grunnskóli Hornafjarðar þátttakandi í átakinu Göngum í skólann 2022 en það hefst miðvikudaginn 7. september. Markmið verkefnisins er að hvetja börn til að tileinka sér virkan ferðamáta í og úr skóla og auka færni þeirra til að ferðast á öruggan hátt í umferðinni. *Ein einfaldasta leiðin til að auka hreyfingu í daglegu lífi er að velja virkan ferðamáta, svo sem göngu, hjóltreiddar, hlaup, línuskauta, hjólabretti eða annað. Ávinningurinn er ekki aðeins bundinn við andlega og líkamlega vellíðan heldur er þetta einnig umhverfisvæn og hagkvæm leið til að komast á milli staða.*

Matseðill í ágúst og september.

Matseðill í ágúst og fram til 9. september er komin á öll heimili eftir skólasetningarviðtölin. Þegar nýr matseðill berst til okkar mun hann verða sendur á öll heimili í tölvupósti.

Foreldrum bent á að hafa samband við skólann ef þeir hafa einhverjar áhyggjur af því að hlutirnir séu ekki í lagi. Saman gerum við skólann og samfélagið okkar að besta samfélagi á landinu.

Það er gott og gaman að hjóla í skólann... þegar hjálmurinn er á kollinum!


Hjálmanotkun er lögbundin að 15 ára aldri.

Sömu reglur gilda fyrir rafhlaupahjól.

Íslenska æskulýðsrannsóknin


(ÍÆ) er rannsókn sem Menntavísindastofnun Háskóla Íslands framkvæmir fyrir Mennta- og barnamálaráðuneytið á grundvelli 12 gr. æskulýðslaga nr. 70/2007. Hér á eftir eru lykiltölur úr rannsókninni en hana er hægt að skoða í heild sinni á heimasíðu skólans. [hornafjordur_seinni-islenska-lydheilsurannsoknin.pdf](http://hornafjordur.seinni-islenska-lydheilsurannsoknin.pdf)

Lykiltölur 4. bekkjar




LYKILTÖLUR

Lykiltölur 6. bekkjar



Lykiltölur 8. bekkjar



Lykiltölur 10. bekkjar

